

## BASES DO CONCURSO DE DESEÑO DA CAMISETA OFICIAL

### PARTICIPANTES

O concurso está aberto a todos/as os/as alumnos/as de primaria dos centros educativos de Galicia.

### TEMÁTICA

O certame organízase con motivo da celebración da Galiciencia 2019 utilizando a temática de referencia desta edición: **A Saúde e os bos Hábitos**, polo que, partindo dun enfoque conceptual libre e aberto, os deseños deben ter como punto de referencia calquera obxecto ou contorno relacionado coa temática en cuestión.

### CONDICIÓNS E FORMATOS

- Poderase presentar un máximo de dous deseños por persoa.
- Os deseños poden ser presentados por unha única persoa ou por grupos de varias. Neste último caso, deberá constar o nome dunha persoa como titular do deseño.
- Os deseños deberán ser orixinais e inéditos e non ter sido premiados en ningún outro concurso. Os participantes deberán ser os/as autores/as das obras presentadas.
- Os deseños deberán presentarse nun folio tamaño A4 (210mmx297mm), e o deseño presentado non poderá ser inferior a un A5 (210mmx148,5mm) de superficie, é dicir, que dentro do folio A4 non se faga un debuxo que ocupe menos da metade do dito folio (A5).
- O formato poderá ser horizontal ou vertical.
- O deseño deberá realizarse sobre fondo branco.

### PRESENTACIÓN DOS DESEÑOS

- O prazo de presentación dos deseños é desde o **21 de xaneiro ata o 11 de marzo de 2019**.
- Todos os participantes que desexen tomar parte neste concurso deberán enviar un mail cos deseños escaneados ou ben presentar os orixinais na recepción do Parque

# Galiciencia 2019 Saúde e bos Hábitos

Tecnolóxico de Galicia. En ambos casos, **deberán incluír os seguintes datos: título/s da/s obra/s presentada/s, nome e apelidos do autor, teléfono de contacto, e-mail e nome do centro ao que pertencen.**

- Enviaranse por correo ao seguinte enderezo [sabela@tecnapole.gal](mailto:sabela@tecnapole.gal)
- Poderán ser presentados os orixinais na recepción do Parque Tecnolóxico de Galicia. En persoa ou por correo postal: Parque Tecnolóxico de Galicia. San Cibrao das Viñas s/n. 32900. Ourense. Asunto: Galiciencia 2019.

## XURADO

O xurado será asignado pola organización entre persoas expertas na materia.

## RESOLUCIÓN

- O deseño ganador farase público na web de Galiciencia ([www.galiciencia.com](http://www.galiciencia.com)) no apartado Concurso de Deseño de Camiseta e no facebook da Galiciencia.
- A resolución do concurso é inapelable.

## PREMIO

O/a autor/a do deseño ganador recibirá como premio: camisetas para toda a súa clase de primaria incluídas camisetas para dous profesores/as e dous familiares. Ademais estas camisetas serán distribuídas entre o persoal da organización de Galiciencia e os expositores.

## PROPIEDAD

Todas as obras premiadas quedarán en propiedade do PARQUE TECNOLÓXICO DE GALICIA, quen se reserva o dereito da súa exposición, reprodución ou publicación, sen que iso supoña perda da autoría dos deseños, cedendo os dereitos de reprodución, exposición e explotación non remunerada, pasando a incrementar o patrimonio cultural, sen que estas poidan ser obxecto de compravenda.

## OBSERVACIÓNS

- O feito de participar no presente concurso implica a aceptación total das bases.
- A organización non se responsabilizará da non chegada das obras ao seu destino.
- As obras que non cumpran as condicións de presentación non entrarán en concurso.
- A organización resérvase o dereito a modificar ou recortar parcialmente o deseño coa finalidade de adaptalo para a súa impresión nas camisetas.
- A organización resérvase o dereito de tomar decisións non reflectidas nas bases, así como solucionar calquera tipo de conflito na interpretación destas.
- Tecnópole garante o correcto tratamento dos datos de acordo ao RGPD (Regulamento Xeral de Protección de Datos) e a lexislación Española vixente.

PARQUE TECNOLÓXICO DE GALICIA, S.A., como responsable, fará uso da información persoal concernente ao meu alumno/a ou a miña propia, coa finalidade de posibilitar a súa participación no concurso. Poñemos todo o coidado e contamos coas medidas que a lei esixe para que a información persoal facilitada e/ou o resultado do seu tratamento non chegue a terceiros, salvo imposición legal ou logo do seu consentimento. Ten vostede dereito a exercitar os dereitos de acceso, rectificación, cancelación, supresión, limitación e oposición, así como solicitar a súa portabilidade, determinados pola Lexislación vixente en materia de protección de datos persoais, dirixíndose por escrito ao seguinte enderezo: Parque Tecnolóxico de Galicia S.A. Edif. CEI, San Cibrao das Viñas, 32900 Ourense. Ou ao e-mail [tecnopole@tecnopole.es](mailto:tecnopole@tecnopole.es). Os datos do seu alumno/a serán conservados ata que finalice o obxectivo polo que foron obtidos, a no ser que unha lei nos lexitime para o seu uso. Así mesmo infórmase que, de consideralo necesario, pode presentar reclamación ante a Axencia Española de Protección de Datos.